

SARS yi teka tisigarete leti nga na nkoka wa R6-million

Tshwane, 30 Mawuwani 2021 – Vukorhokeri bya Xibalo bya Afrika-Dzonga (SARS) hi ku tirhisa Xipano xo Hlamula hi Xihatla xa Rixaka xa Khasitomo na Vukorhokeri bya Maphorisa bya Afrika-Dzonga va tekile tisigarete leti nga riki enawini ku suka eka vaxavisi vo hlaya va le Cape Town leti nga na nkoka wa R6-million.

Enkarhini wa nsecho hi Ravumune 29 Mawuwani, 443 wa tikhesi letikulu leti ha yin'we yin'we a ti ri na 50 wa tikhathoni ta mifungo yo hambanahambana ya tisigarete, ti tekiwile eka xitirhwana lexi fambisiweke hi vunhlorhi.

Xitirhwana a ku ri xiphemu xa SARS xa xikongomiso lexi lehisiweke eka vuxavisi lebyi nga riki enawini eka swikumiwa swa tisigarete na fole ku sirhelelela vumaki bya laha kaya na ikhonomi hi ku anama. Ku nghenelela ka tiejensi tin'wana to hlayisa nawu swi kombisa endlelo hinkwaro ra mfumo laha tindzawulo to hambanahambana ti titirhisana eka ntirhiso wo hetiseka swinene wa switirhisiwa, nkucetelo lowukulu na mbonako.

Khomixinara wa SARS Edward Kieswetter u vurile leswaku ntundzo wa tisigarete leti nga riki enawini na tinhundzu tin'wana to fana na swiambalo na malapi, mirhi kumbe mitsembyana leyi encenyetiweke, ku katsa na mimovha leyi nga tirha ro sungula, exikarhi ka swin'wana swi dlaya vumaki bya laha kaya no hoxa xandla eku hungutekeni ka mitirho.

“Migingiriko leyi yi tlhela yi rhoba tiko mali ya tiko leyi lavekaka swinene leyi kotisaka tiko ku phakela vukorhokeri bya masungulo eka lava nga swela no khumbheka, ku fana na midende ya vadyuhari, na nyiko vevukiso eka mabindzu lama nga ku tikeriweni na vatirhi va wona ku landzela ku kombisa ku vilela na madzolonga lama ha ku humelelaka.”

U engeterile leswaku ku tlhele ku va na mixungeto ya swa rihanyo tanihileswi tisigarete leti tundziweke swi nga ri enawini ti nga landzelerikisiki milawu ya swa rihanyu ya Afrika-Dzonga no veka nxungeto wa matimba wa swa rihanyu eka vadhahi.

“Ku tlhela ku va na ku hlangana ka matimba exikarhi ka migingiriko leyi na vugevenga bya xiyimo xa le henhla bya misava hinkwayo lebyi nghenelelaka eka ntlhakiso wa vanhu, mfambiso wa swibalo na ngungumeriso wa swidzidziharisi na vutherorisi.

“SARS yi na xileriso xo fambisa vuxavisi lebyi nga nawini naswona yi nge tiyiseli vuxavisi lebyi nga riki enawini lebyi vavisaka ikhonomi ya hina na vanhu va hina, lexi xaxametiweke na xikongomelo xa kungu ku endla swi nonoha no durha eka lava nga landzelerisiki nawu wa hina wa xibalo na Khasitomo na ekisayizi.”

Vona swifaniso swa nsecho eCape Town laha hansi.

Mayelana na vuxokoxoko, tihlanganise na SarsMedia@sars.gov.za

